

# NAPLAN - Fa'amatalaga mo mātua ma tagata o lo'o tausia fanau.



2022

## Aiseā e fai ai e fanau a'oga le NAPLAN?

O le NAPLAN o iloiloa a le atunu'u fa'atatau i tomai tusitusi ma le faitautusi fa'apea malamalama'aga fa'afainumera ma lo latou fa'aaogaina e fanau a'oga o le Tausaga 3, 5, 7 ma le 9 e su'eina ia Me o tausaga ta'itasi. E na o le pau lea o le iloiloa a le atunu'u e faia e fanau a'oga uma i Ausitalia.

A o fa'agasolo tausaga a'oga a fanau a'oga, e tāua le siakiina pe o fa'apefea le a'oa'oina lelei o latou i tomai tāua fa'afaitautusi, tusitusi ma malamalamaga i fainumera ma le fa'aaogaina.

E iloiloa le NAPLAN ia tomai o lo o a'oina e fanau a'oga e ala i mata'upu e a'oa'oina e a'oga ma fa'atagaina ai mātua ma tagata o lo'o tausia fanau e va'ai pe o fa'apefea le alualu i luma o latou alo i le fua fa'atulagaina a le atunu'u fa'apea mai i lea taimi i lea taimi.

O le NAPLAN e na o se tasi o vaega o iloiloa a a'oga ma 'auala e fa'agasolo ai le faiga o lipoti. E le 'ave'esea ai iloiloa faifaipea e faia e faia'oga i fa'atinoga a fanau a'oga, 'ae e maua ai e faia'oga ia fa'amatalaga fa'aopopo fa'atatau i le alualu i luma o tomai o fanau aoga.

E maua mai fo'i i le NAPLAN ia fa'amatalaga mo a'oga, pulega o a'oga ma malō pe o fa'apefea le fa'agaioioiga o porokalame a a'oga ma pe o 'ausia e talavaou Ausitalia ia taunu'uga tāua o a'o'oga mo tomai tusitusi ma le faitautusi fa'apea malamalama'aga i fainumera ma le fa'aaogaiga.

## E fai e lou alo ia su'ega a le NAPLAN i luga o le initaneti

O lo'o faia suiga a a'oga mai i le fa'aaogaina o pepa i le fa'aogaina o komepiuta e fa'atino ai ia iloiloa. O le tele o a'oga o le a atoatoa ona faia su'ega a le NAPLAN e fa'aaoga ai komepiuta i le 2022. O le a fa'aauiina pea le fa'aaogaina o pepa e fanau a'oga o le Tausaga 3 e fai ai su'ega tusitusi.

E maua taunu'uga e sili atu ona sa'o i su'ega a le NAPLAN e faia i le initaneti ma e sili atu fo'i le fia fa'aaogaina e fanau a'oga o lea faiga. O le tasi o manuia 'autū, o le mafai lea ona fetu'utu'una'i ia su'ega ia fetui lelei (*tailored or adaptive testing*) ma 'aualā i ia su'ega ona tu'uina atu fesili e ono sili ona faigatā pe le faigata fo'i e fua i tali a le tamaititi a'oga.

O su'ega e fetu'utu'una'i e maua ai le avanoa e iloilo ai le aotelega o tomai 'ese'ese o fanau a'oga ma fua ai tulaga e 'ausia e fanau a'oga i se fua e sili atu ona sa'o atoatoa. O le aotelega o togi a fanau a'oga i le NAPLAN e fa'avae lea i le numera ma le lavelave o fesili na sa'o ona latou taliina. E le tatau ona fa'apopoleina lou alo pe afai e maitauina e faigata ia fesili; atonu o lo'o latou su'e i itu'aiga o su'ega e sili atu le lavelave.

## O a mea e iloilo e NAPLAN

E iloilo e NAPLAN ia tomai i le tusitusi ma le faitautusi fa'apea malamalamaga i fainumera ma lo latou fa'aaogaina e ala i mataupu masani e a'oa'oina e a'oga i fanau a'oga.

E su'e fanau a'oga i su'ega i le tusitusi, faitautusi, vaega masani o gagana (sipela, kalama ma fa'ailoga) fa'apea malamalamaga i fainumera ma le fa'aaogaina. O fesili e iloiloa ai mataupu e feso'ota'i i Mataupu a A'oga a Ausitalia: Ingilisi ma le Matematika.

Sa fai sao o pulega uma a a'oga a le mālo ma a'oga e le o ni a'oga a le mālo i le atina'eina o mea e fa'atino ai su'ega i le NAPLAN

Mo le sa'ilia o fa'aopopoga fa'atatau i le NAPLAN, asiasi i le [nap.edu.au](http://nap.edu.au)

## Milo ma 'auai i fa'atinoga a NAPLAN.

O le NAPLAN e mo tagata uma. E lagolago e le ACARA ia su'ega fai fa'atasi ina ia mafai e fanau a'oga uma ona 'auai ai i porokalame mo iloiloa a le atunu'u.

E maua fetu'una'iga mo fanau a'oga e iai mana'oga fa'apitoa ona o latou e 'ese'ese o latou tomai fa'atino fa'apea o latou mana'oga.

E tatau ona galulue fa'atasi ia a'oga ma mātua po o tagata o lo'o tausia fanau a'oga fa'apea ma fanau a'oga ina ia iloa, i tulaga o fa'atinoga ta'itasi, ia fetu'una'iga alagata e mana'omia mo fanau a'oga ta'itasi e iai mana'oga fa'apitoa ina ia mafai ona latou fa'aaogaina le NAPLAN. E tatau i fetu'utu'unaiga ona atagia ai le lagolago masani e tu'uina atu mo iloiloa e faia i potu a'oga.

Ina ia fesoasoani ia atoa le silafia e faia ai ia fa'ai'uga, e ono mafai ona feutaga'i ma **nofoaga o fa'ata'ita'iga fa'alau'itele a le NAPLAN**, fa'apea ia **ta'iala mo a'oga e fesoasoani ai i fanau a'oga e iai mana'oga fa'apitoa e mafai ai ona latou fa'aaogaina le NAPLAN**, po o a **tatou vitio o lo'o fa'asoa** ai mātua po o tagata o lo'o tausia fanau a'oga, o faia'oga ma fanau a'oga fa'atatau i o latou silafia ma lagona i le fa'aaogaina o fetu'uga'ina i le NAPLAN.

A tula'i mai se tulaga e le masani ai, e mafai ona tu'uina atu se fa'atagana aloa'ia tu'usaunoa i se alo a'oga e iai mana'oga fa'apitoa e matuā faigata ai ona 'ausia agava'a e 'auai ai i le iloiloa, po o se alo a'oga ua fa'ato'ā taunu'u i Ausitalia ma e leai sona iloa o le gagana Ingilisi

E mafai e le pule a'oga o la outou a'oga ma le pulega fa'atino o su'ega i le lotoifale i lo outou ala'alafaga ona tu'uina atu fa'amatalaga fa'aopopo fa'atatau i fetu'utu'una'iga mo fanau a'oga e iai mana'oga fa'apitoa po o le fa'asologa o fa'atinoga e maua ai se fa'atagaga aloa'ia tu'usaunoa.

## E fa'afelea pe a le 'auai lo'u alo i le a'oga i aso o le NAPLAN?

I le mafai e mafai ai, e ono fa'atulagaina e a'oga mo fanau a'oga ua le 'auai i le taimi o su'ega ia se isi taimi i totonu o taimi fa'atulagaina o su'ega a le a'oga e fai atoa ai su'ega na misi.

## E fa'apefea ona 'ou lagolagoina lo'u alo?

E leai se fa'anaunauga mo fanau a'oga e fai ni a latou su'esu'ega mo le NAPLAN

E mafai ona e lagolago i lou alo i le fa'atalitonuina o i latou o NAPLAN o se vaega o le porokalame o la latou a'oga ma fa'amanatu iai e fai le mea sili.

E le fautuaina e le ACARA le tele na'uā o ni sauniuniga mo le NAPLAN po o le fa'aaogaina o 'au'aunaga fa'aa'oa'oga fa'aopopo.

E aoga le fa'amasani ma le fa'amalamalamaina o le NAPLAN i fanau a'oga e fesoasoani e malamalama ma to'afiamalie ai i fa'atulagaga o su'ega. E fa'amautinoa e faia'oga e fa'amasani ia fanau a'oga i itua'iga o fesili i totonu o su'ega ma e tu'u atuina iai le lagolago ma ta'ita'iga talafeagai.

Silasila i itua'iga o fesili ma 'auala fesoasoani a le NAPLAN mo iloiloga i le initaneti i le [nap.edu.au/online-assessment/public-demonstration-site](http://nap.edu.au/online-assessment/public-demonstration-site)

## Taimi fa'atulagaina a NAPLAN

E iva aso avanoa o su'ega a NAPLAN e fai i luga o le initaneti. O lenei fuafuaga e maua ai avanoa talafeagai mo a'oga e la'ititi le numera o a latou masini.

E amata le avanoa mo su'ega e fa'aaoga ai le initaneti i le Aso Lua 10 o Me ma e uma i le Aso Faraile 20 o Me 2022. E tatau ona fa'atulagaina ia su'ega i se taimi vave e mafai ai i totonu o aso fa'avanoaina mo su'ega, fa'amuamua le ulua'i vaiaso.

O lo o 'auiliiliina atu i lalo le fa'asologa o vaega e mana'omia mo le fa'atulagaina o su'ega a NAPLAN e faia i luga o le initaneti.

## E fa'apefea ona lipotia ia fa'atinoga a lo'u alo?

E fa'ailoa ia fa'atinoga a fanau a'oga ta'itasi i luga o le fua fa'atulagaina a le atunu'u mo 'ausiaga i iloiloga ta'itasi. O togi i le vaega pito i maualalo o le fua fa'atulagaina mo le atunu'u e fa'ailoa mai ai o lea alo a'oga o lo o iai tomai amata mo le tusitusi ma le faitautusi fa'apea malamalama'aga i fainumera ma lo latou fa'aaogaina e mafai ai ona ia 'auai ma fa'atinoina atoatoa ia fa'agaioioiga i lea la'asaga o tausaga a'oga.

O lipoti a NAPLAN mo fanau a'oga ta'itasi e maua atu i le a'oga a lou alo i se taimi mulimuli ane o le tausaga. A e le mauaina atu se lopoti, e tatau ona e feso'ota'i i le a'oga a lou alo.

## E fa'apefea ona fa'aaoga ia togi o le NAPLAN.

- E mafai e fanau a'oga ma mātua po o tagata o lo o tausia fanau a'oga ona fa'aaoga ia togi e fa'atalanoa ai faia'oga i tulaga alualu i luma.
- E fa'aaoga e faia'oga ia togi e fesoasoani i le fa'ailoaina o fanau a'oga e mana'omia ia lu'i e sili atu pe mana'omia fo'i ni fesoasoani fa'aopopo.
- E fa'aaoga e a'oga ia togi e iloa ai ia vaega malolosi ma vaega e mana'omia e fa'aleleia o porokalme o a'oga, ma fa'atutū ai ia sini mo tomai tusitusi ma le faitautusi fa'apea malamalama'aga i fainumera ma lo latou fa'aaogaina
- E fa'aaoga i 'auala fa'atino mo porokalame a a'oga ia togi e iloilo ai ia porokalame fa'apea fesoasoani e ofoina i a'oga.
- E mafai e tagata o nu'u ona va'ai i le [myschool.edu.au](http://myschool.edu.au) mo fa'amatalaga fa'atatau i fa'atinoga a a'oga mai i lea taimi i lea taimi.

## O fea ou te mauaina ai nisi fa'amatalaga fa'aopopo?

Mo nisi fa'amatalaga fa'aopopo fa'atatau i le NAPLAN

- feso'ota'i le aoga a lou alo.
- feso'ota'i le pulega fa'alotoifale o lo outou nu'u mo le fa'atonutonuina o le fa'atinoga o su'ega i le [nap.edu.au/TAA](http://nap.edu.au/TAA)
- Asiasi i le [nap.edu.au](http://nap.edu.au)

Mo le silafia pe fa'apefea ona fa'aaoga e ACARA ia fa'amatalaga mo le NAPLAN, asiasi i le [nap.edu.au/naplan/privacy](http://nap.edu.au/naplan/privacy)

Su'ega	Mea e mana'omia mo fa'atulagaga	'Umi	Fa'amatalaga o su'ega
<b>Tusitusi</b>	<ul style="list-style-type: none"> <li>E faia e fanau a'oga o le Tausaga 3 ia su'ega o le tusitusi i luga o pepa (i le na o le aso muamua)</li> <li>E tatau ona amata tusitusiga a le Tausaga 5 i le aso muamua (e tatau i a'oga ona fa'amuamua le fa'amae'aina o tusitusiga i totonu o na o le aso 1 ma le 2)</li> <li>O tusitusiga a le Tausaga 7 ma le 9 e tatau ona amata i le aso lona 2 (e tatau i a'oga ona fa'amuamua le fa'amae'aina o tusitusiga i totonu o na o le aso 2 ma le 3)</li> </ul>	Tausaga 3: 40 minute Tausaga 5: 42 minute Tausaga 7: 42 minute Tausaga 9: 42 minute	E tu'uina atu i fanau a'oga ia mea e u'una'ia ai le taumafai e tusitusi - 'writing stimulus' (e ta'ua i nisi o taimi o le 'prompt' po o se mea e fa'aosofia ai le taumafai - o se manatu po o se mataupu) ona talosagaina lea e tusi se tali i se ituaiga 'auala fa'apitoa (se tusitusiga fa'amatala po'o se tusitusiga e taumafai e faatalitonuina se tagata)
<b>Faitautusi</b>	<ul style="list-style-type: none"> <li>Ina ia mautinoa e mafai e a'oga ona fa'amae'aina ia le faiga o su'ega a le NAPLAN i totonu o le avanoa i aso e iva o su'ega, e mafai e fanau a'oga o le Tausaga 7 ma le 9 ona amata i le faitautusi i le aso 1, 'ae ia amata tusitusiga i le aso 2.</li> <li>Ia ma'ea i <b>luma mai</b> o su'ega mo vaega masani o gagana.</li> </ul>	Tausaga 3: 45 minute Tausaga 5: 50 minute Tausaga 7: 65 minute Tausaga 9: 65 minute	E faitau e fanau a'oga ia fa'amatalaga 'ese'ese, o tusitusiga o manatunatuga ma fa'atauanauga ona tali ai lea o fesili e fa'atatau i ia fa'amatalaga.
<b>Vaega masani o gagana.</b>	<ul style="list-style-type: none"> <li>Ia fa'amae'aina i <b>tua mai</b> o le su'ega faitautusi.</li> </ul>	Tausaga 3: 45 minute Tausaga 5: 45 minute Tausaga 7: 45 minute Tausaga 9: 45 minute	Iloiloina ai le sipela, kalama ma fa'aailoga faitautusi.
<b>Malamalama'aga i fainumera ma lo latou fa'aaogaina</b>	<ul style="list-style-type: none"> <li>Ia mae'a i <b>tua mai</b> o le su'ega o vaega masani o gagana.</li> </ul>	Tausaga 3: 45 minute Tausaga 5: 50 minute Tausaga 7: 65 minute Tausaga 9: 65 minute	Iloiloina ai fainumera ma vaega fa'amatematika (algebra), faiga o fuataga ma fa'avasegaga o mamanu (geometry) fa'apea fa'amaunuga fa'afainumera (statistics) ma le fuafuaina o ni taunu'uga e ono tutupu (probability)